



# **Universitätsbibliothek Paderborn**

**Synopsis Magnalium Divi Josephi**

**Ignatius < a Sancto Francisco >**

**Leodii, 1684**

Cap. 8. Quandonam fuerit in utero sanctificatus D. Iosephus.

**urn:nbn:de:hbz:466:1-38500**

erescere non ineptè concludimus ut manifestum est ex illo Angeli ad Zacheriam de Joanne Baptista Luc. cap. 1. Multi, inquit, in nativitate ejus gaudebunt. Ecce honorem illius apud nos. Audi illius causam & fundamentum; Erit enim magnus coram Domino, quod significat potestatem & autoritatem: unde hoc? Vinum & siceram non bibet; & Spiritu sancto replebitur adhuc ex utero Matris sue, ecce sanctificationem in utero.

**III.** Dico secundò certissimum est hanc sententiam, affirmantem Divum Josephum fuisse in utero sanctificatum, esse oppositā longè probabiliorē: nam sententia aliqua dicitur probabilior alterā duplicitē: Primò, probabilitate intrinsecā: Secundò, probabilitate extrinsecā. Probabilitas intrinsecā sumitur à motiis quæ se tenent ex parte rei. Probabilitas extrinsecā sumitur ab opinantium multitudine & autoritate: ita ex Aristotele primo Topico, cap. 1. Doctores: prima autoritas movet doctos, secunda trahit imperitos: utroque modo nostra sententia est oppositā probabiliorē: primo modo, quia robustioribus rationibus innititur, nostras habet, hic supra cap. 2. oppositas cap. 6. Secundo modo, quia omnes docti moti rationibus peremptoriis quibus innititur, illam recipiunt & docent: & simplices moti exemplo Doctorum, illam amplectuntur, dum interim opposita vix præter Dausquium, ullum habeat defensorem.

**IV.** Dico tertio, mihi non viderur sufficere si dicamus hanc sententiam esse oppositā probabiliorē: sed omnino dicendum hanc esse certam: primò, quia ex argumentis à nobis adductis hic supra c. 2. & 3. videtur proximè accedere ad eam certitudinem in quā est doctrina de Immaculatâ Beatae Virginis Conceptione. Secundo, quia hæc sententia eruit ex principiis seu præmissis certis & infallibilibus: Est enim certum & infallibile omnino quod filius ut minimum debet Patri quod non recusat aliis, cum quibus non habet tantam proximitatem & affinitatem. Atqui est etiam omnino certum & infallibile ex dicendis postea Parte 2. Tract. 2. Divum Josephum esse verè Patrem Christi.

sti, & Christum esse verè ejus filium: Ergò ut minimum illi ab eo præsumit quod certò scimus exhibitum Jeremiæ Prophetæ & D. Joanni Baptistæ, scilicet Sanctificatio in utero, idque à fortiori, cum ille hos affinitate ad Christum, dignitate & meritis antecedat. Tertiò, quia si hac esset tantum probabilis, esset cum formidine partis oppositæ & falsitatis. At nullo modo est probabile quod ulla Ecclesia eam cum ista formidine in suis officiis publicis receperisset, quæ non nisi certa & indubitate consuevit in illis recipere. Quare existimo hanc sententiam esse in eo statu, in quo non nisi temerariè insultari potest, ut fecit Dausquius.

### C A P U T VIII.

*Quandonam fuerit in utero  
Sanctificatus D. Josephus.*

**N**UDUS egressus est Job de utero Matri sua, & nos omnes nudi egredimur: Nudi, inquam, corpore, an ināque nudi. Corpus etenim absque ueste, ulloque operimento; anima (quod pejus est) sine gratiâ in hunc mundum subit: sed Sanctissimus Joseph noster esti corpore nudus, ut reliqui, prodierit in lucem, non tamen animo: pretiosâ namque gratiâ ueste, omniumque virtutum varietate circumdatus, utero egressus est, & Spiritum Sanctum prius animo hausit, quam ore spiritum mundi: Hoc fusè haec terius probatum est, restat ut quo tempore breviter definiamus, ac ridiculæ Dausquii interrogatiōnē in verbis hic cap. 6. num. 15. contenta serio respondeamus.

Dico ergò illum fuisse sanctificatum statim à suâ Conceptione. Ratio est, quia tanta est Paternitatis ipsius eminentia, adeoque excellens & præcessa dignitas, ut circa unionem hypostaticam hominis & Beatae Virginis Maternitatem, nihil detur sublimius: Quid enim? Ergo quemadmodum Christus propter unionem hypostaticam fuit per se & naturaliter à peccato originali immunis, & Beata Virgo ob Maternitatem per privilegium nulli alteri

## 154 Synopsis Magnalium D. Josephi,

concessum præservata, ne in illud pro-laberetur, ita omnino dicendum Divum Josephum ob istam Paternitatem ad Christum, fuisse abeo quām primū liberatum, hoc est statim à suā concep-tione. Non enim fuit ulla ratio diutiū differendi, quin è contra magna fuit tunc illam ei conferendi. Quid enim ex cogitari potest tam magnum, modò non sit manifestè contra æquitatem, quod non est tanta Paternitati qualis illa est tribuendum? Asserta autem illi huic usque Sanctificatio uterina, & collata, ut hic asserimus, statim à conceptione, nec diutiū dilata, nihil conti-net contra æquitatem, imò est secun-dum omnem æquitatem, ut consideranti à nobis huc usque tradita de hac sanctificatione ejusque motivis patebit, ergo illi sine ullā difficultate tri-buenda.

### III.

Hoc ut amplius & clarius pareat, observo triplicem esse mali cuiuscum-que circumstantiam secundum quam possent aliqui diversimodè eripi. Pri-ma, antequam quis in illud cadat. Se-cunda, statim atque in illud cecidit. Tertia, postquam in illā aliquamdiu hecit. Primo modo creptus dicitur *præliberatus*: secundo modo dicitur *liberatus*: tertio modo dicitur *postliberatus*: & vi-cissim ille qui eripit primo modo dici-tur *Præliberator*; qui secundo modo, *Li-berator*; qui tertio *Postliberator*: Cùm er-go Christo, ut summo ac perfectissimo Salvatori, omne salvationis genus in-dubitanter concedendum ratio sua-deat, dicendum quod sicut Beata Virgo fuit præliberata, ceteri postliberati, Christus verò illius *Præliberator*, & horum Postliberator: ita D. Josephus, ut Christi Pater Liberatus, & Christus ejus Liberator.

### IV.

Hanc doctrinam fateor me traxisse ex Eminentissimo Cardinali Cusano à Doctrinā & pietate famosissimo lib. 8. Exercitat. ubi adaptans Virgini Matri illud Cantic. cap. 2. vers. 2. *Sicut lilyum inter spinas, sic amica mea inter filias.* Dicit, *Præliberatorem Virgo habuit, ceteri Liberatores, imò Postliberatores.* Ubi adverte illud *imò Postliberatores*, per quod Vir Doctissimus non inepit se corripuit, dum respectu ceterorum ait *Christum melius dici Post-liberato-*

rem quām liberatorem: Nam Christo propriè loquendo erga nullum compe-tit Liberatoris nomen, nisi erga Divum Josephum, quem solum indilatè & statim à conceptione eripuit, ut sic in illo tripartita salvationis divisio ab-solveretur.

Hoc ipsum quod hic intendo, col-  
ligo ex D. Anselmo in Officio parti-culari Beatae Virginis quod inter ipsius opera reperitur, ubi hæc habet lec. 4. Loquens de Divâ & Immaculatâ Dei-parâ. *Vas electionis Sanctus Paulus omnes homines in Adam peccasse fatetur: Vera utique sententia cui contradici nefas esse pronuncio sed cùm eminentiam gratie Dei in te o Maria! considero, sicut te non intra omnia, sed supra omnia que facta sunt, ineffabilis modo contineat, ita & te non lege natura aliorum in tuâ con-ceptione devinctam fuisse opinor.* Ubi Sanctus ille Pater, ex hoc quod Beata Virgo non intra omnia, sed supra omnia sit, nimis propter eminentiam prædestinationis sua, infert non fuisse devinctam communī lege aliorum in suâ Conceptione.

Parimenti argumentor de D. Iosephi sanctificatione, nam cùm ex hoc quod prædestinatus est ut esset Pa-ter Christi Domini, verè elevatus sit supra omnium ordinem creaturarū, & collocatus in ordine unionis hypostati-cæ, in quo soli sunt cum ipso Homo-Deus & Maria, atque adeò non sit in tra omnia, sed supra omnia cum Christo & Maria, non fuit devinctus com-muni lege aliorum in sua sanctifica-tione: quare si D. Joannes Baptista intra ordinem ceterarum creaturarum con-sistens, sexto mense sanctificatus probatur, proculdubio D. Iosephus, qui fuit non intra omnia, ut ille, sed supra omnia in ordine illo superexcellenti consti-tutus, debuit prius illo sanctificati: quando autem, nisi statim à concep-tione suâ?

CAPUT